



REPUBLIKA E KOSOVËS/REPUBLIKA KOSOVA

GJYKATA THEMELORE FERIZAJ

Numri i lëndës: 2024:028313
Datë: 13.06.2024
Numri i dokumentit: 05817894

GJYKATA THEMELORE NË FERIZAJ, Departamenti i Përgjithshëm-Divizioni Civil, me gjyqtarin Bekim Salihu, në çështjen juridike të paditëses Byroja Kosovare e Sigurimëve, me seli në Prishtinë, rruga "Lidhja e Pejës", magjistralja Prishtinë-Fushë Kosovë, kundër të paditurit M. (R.) H., Komuna Ferizaj, rimbursimin e dëmit, jashtë seancës më dt.13.06.2024, mori këtë:

A K T V E N D I M

I. Padia e paditëses paditëses Byroja Kosovare e Sigurimëve, me seli në Prishtinë, kundër të paditurit M. (R.) H., Komuna Ferizaj, **HEDHET POSHTË**.

II. DETYROHET paditësja Byroja Kosovare e Sigurimëve, me seli në Prishtinë, që në emër të taksës gjyqësore për padi të paguajë shumën prej **20.00€**, nën kërcënim të përbarimit me dhunë në afat prej 15 dite nga pranimi i këtij aktvendimi.

A r s y e t i m i

Paditësja më datë 25.01.2024, ka paraqitur padi kundër të paditurit, për rimbursimin e dëmit.

Gjykata, pasi ka marrë aktvendimin për përgjigje në padi, të njejtin aktvendim me shkresa të lëndës ja ka dërguar me postë të paditurit në adresën e dhënë si në padi, mirëpo nga fletëkthesa e kthyer e datës 25.03.2024, është konstatuar se pala e paditur gjendet jashtë vendit në shtetin e Francës qe 10 vite (deklarim i nënës së të paditurit).

Andaj, Gjykata me aktvendimin C.nr.2024:028314, të datës 26.03.2024, konform nenit 99 par.2 të LPK-së, e ka obliguar paditësen që kësaj gjykate në afatin e caktuar ligjor t'i siguroj

adresën e saktë të palës së paditur, me njoftimin për pasojat juridike në rast të mos plotësimit të udhëzimeve të dhëna nga gjykata.

Paditësja brenda afatit ligjor e ka sjellë parashtrësën për plotësimin e adresës së të paditurit, mirëpo sipas parashtrësës del që paditësja nuk ka siguruar adresën e të paditurit por vetëm ka shënuar numrin e telefonit të paditurit por nuk ka vepruar sipas udhëzimeve të gjykates e cila nga kjo arsye ka kërkuar nga paditësja të verifikojë adresën e sakt të paditurit e jo të mjaftohet vetëm me dërgimin e numrit të telefonit të paditurit të cilin siq shihet e ka përshkruar nga raporti i aksidentit, andaj e parashtrësja e njejtë konsiderohet si e paplotësuar/ papërmirësuar.

Paditësja është obliguar të paguajë taksën gjyqësore për padi në shumë prej 20.00€ konform UA, në fuqi me njoftimin për pasoja ligjore.

Andaj nga të theksuarat më lartë, mbi këtë arsye, bazuar në nenin 102 par.3 të LPK-së, gjykata ka vendosur si në dispozitiv të këtij Aktvendimi.

GJYKATA THEMELORE NË FERIZAJ

C.nr.2024:028313, më datë 13.06.2024

**Gjyqtari,
Bekim Salihu**

KËSHILLA JURIDIKE: Kundër këtij aktvendimi është e lejuar ankesa në afat prej 15 ditësh nga dita e pranimit të tij, Gjykatës së Apelit në Prishtinë, përmes kësaj gjykate.